



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-319-4/21**

Datum: **06.09.2021. godine**

„Agencija za vodno područje rijeke Save“ rješavajući po zahtjevu JKP „VIS“ d.o.o. Doboj Jug za izdavanje vodne dozvole za privremeno ispuštanje komunalnih otpadnih voda sa područja općine Doboj Jug u rijeku Usoru, na osnovu člana 109. stav 1. tačka 2. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola Javnom komunalnom preduzeću «VIS» d.o.o. Doboj Jug za privremeno ispuštanje komunalnih otpadnih voda sa područja općine Doboj Jug u rijeku Usoru. Ispust iz glavnog kolektora izveden je na zemljištu označenom kao k.č.438/1 K.O. Matuzići, općina Doboj Jug.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se objekti koji čine kanalizacioni sistem općine Doboj Jug održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se redovno vrši snimanje i kontrola stanja postojeće kanalizacione mreže. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, treba što hitnije poduzeti aktivnost da se isti priključe na postojeće kolektore.
 - 2.3. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata na kanalizacionu mrežu.
 - 2.4. Da se redovno vrši održavanje korita rijeke Usore na mjestu ispusta iz glavnog kolektora.
 - 2.5. Da se, od korisnika prilikom izdavanja odobrenja za priključak na kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20).
 - 2.6. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20) te u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.7. Da se u periodu važenja ove dozvole izradi Operativni plan interventnih mjera u slučaju incidentnih zagađenja a sve u skladu sa članom 11. i 12. Pravilnika o postupcima i mjerama u slučajevima akcidenata na vodama i obalnom vodnom zemljištu („Službene novine Federacije BiH“, broj 71/09 i 102/18).
 - 2.8. Da se tokom važenja ovog Rješenja vrši monitoring otpadnih voda na ispustu iz glavnog kolektora u rijeku Usoru. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
 - 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 15/17, 23/17 i 41/20).

3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa članom 170. Zakonom o vodama („Službene novine Federacije BiH“, broj 70/06) i članovima 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), uz redovno dostavljanje obrasca IV – Mjesečni izvještaj o količini isporučene vode i obračunu EBS te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Prava stečena po ovoj dozvoli ne mogu se prenositi na treća lica.
6. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
7. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
8. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno preduzeće «VIS» d.o.o. Doboj Jug, obratilo se ovoj Agenciji dana 15.07.2021. godine, sa zahtjevom za izdavanje vodne dozvole za privremeno ispuštanje komunalnih otpadnih voda sa područja općine Doboj Jug u rijeku Usoru.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra, broj: 043-0-RegZ-21-001675 izdatog 16.06.2021.godine od strane Općinskog suda u Zenici,
- Ovjerena kopija Uvjerenja o poreskoj registraciji izdatog 02.09.2013. godine od strane Porezne uprave – Kantonalni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-6952-2/13 izdatog 13.09.2013. godine od strane Uprave za indirektno-neizravno oporezivanje Banja Luka,
- Kopija uplatnice upravne takse,
- Kopija odluke o izgradnji, upravljanju, korištenju i održavanju priključaka vodovoda i kanalizacije u sistemu vodovoda i kanalizacije općine Doboj Jug, broj: 01-05-794-2/07 izdate dana 11.06.2007. od strane Općinskog vijeća,
- Kopija rješenja o odobrenju gradnje, broj: 03-23-2-607/07 izdatog dana 17.10.2007. od strane Službe za urbanizam, katastar i privredu općine Doboj Jug,
- Kopija Rješenja o vodnoj dozvoli, broj: UP-I/25-3-40-009-4/16 izdatog dana 06.06.2016. godine od strane ove Agencije,
- Glavni projekat primarnih kolektora fekalne kanalizacije općine Doboj Jug, šifra: UG 486/05, urađen januara 2006. godine od strane «PROJEKT» d.d. Sarajevo,
- Izvještaj o monitoringu recipijenta otpadnih voda za JKP „VIS“ d.o.o. Doboj Jug.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata, dana 02.09.2021. godine izvršen je obilazak predmetnog ispusta u rijeku Usoru i tom prilikom sačinjen je zapisnik o uviđaju broj: UP-I/25-3-40-319-3/21.

Na osnovu dostavljene dokumentacije i uviđaja izvršenog na licu mjesta utvrđeno je sljedeće:

Kanalizacioni sistem općine Doboj Jug je separatnog tipa. Na kanalizacioni sistem trenutno je priključeno oko 1.000 stanovnika. Izvedena su tri glavna fekalna kolektora sa zajedničkim ispustom u rijeku Usoru na lokalitetu Karuše, gdje je i planirano buduće postrojenje za tretman otpadnih voda. Na ispustu u rijeku Usoru je izvedena betonska građevina sa rešetkom.

Svi kolektori i revizionna okna su izvedena od vodonepropusnih materijala.

Do izgradnje projektovane oborinske kanalizacije, oborinske vode se odvođe u najbliže vodotoke rigolima izgrađenim uz saobraćajnice ili se slobodno slivaju na okolni teren.

Subjekti koji nisu priključeni na javni kanalizacioni sistem uglavnom imaju izgrađene septičke jame.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnih objekata i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, a prema članu 17. stav (1) i (2) Zakona o vodama u svrhu smanjenja zagađenja voda, postizanja dobrog stanja voda, spriječavanja degradacije voda kao i održivog korištenja voda, JKP „VIS“ d.o.o. Doboj Jug, kao operateru kanalizacionog sistema, ovom vodnom dozvolom su propisani uslovi korištenja objekata i načina provođenja aktivnosti ispuštanja otpadnih voda.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekata i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja, propisani uslovi kojih se dužan pridržavati kao operater predmetnog kanalizacionog sistema, a sve u skladu sa odredbama članova 20., 53. i 116. Zakona o vodama, odredbama Uredbe o uslovima ispuštanja otpadnih voda u okoliš i sisteme javne kanalizacije i članom 13. Pravilnika o sadržaju, obliku, uvjetima i načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Konstatuje se da je podnosilac zahtjeva ispunio minimum uslova za izdavanje vodne dozvole za ispuštanje komunalnih otpadnih voda sa područja općine Doboj Jug, te je riješeno kao u dispozitivu ovog rješenja.

Podnosioc zahtjeva je, na ime izdavanja ovog vodnog akta, izvršio uplatu pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00/, 45/10 i 43/13). Uplaćeni su i posebni troškovi prema Zaključku ove Agencije broj UP-I/25-3-40-319-2/21 od 19.08.2021. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi

Obrađivač akta:

Roksanda Školjić, dipl.inž.građ.

za – Po ovlaštenju
Rukovodilac sektora za izdavanje vodnih akata


Haris Ališehović
Haris Ališehović, dipl.inž.građ.

Dostaviti:

- JKP „VIS“ d.o.o. Doboj Jug
Trg 21. marta br. 2, 74203 Matuzići
- ⊕ AVP, ISV – Vodna knjiga
- Sektor 50,
- Sektor 40, arhiva
- Oglasna ploča